

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 39. stav (3) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 115. sjednici, održanoj 30.01.2026. godine,  
d o n o s i

## **ODLUKU**

**o usvajanju Programa utroška sredstava u razdjelu 21 - Ministarstva zdravstva na poziciji „Transfer drugim nivoima vlasti“ - „Tekući transfer za JU Institut za zdravlje i sigurnost hrane - za projekat „Unapređenje dijabetološke zaštite na području Zeničko-dobojskog kantona“ - Izvor 10 Budžeta Zeničko-dobojskog kantona za 2026. godinu**

### **Član 1.**

#### **(Predmet)**

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transfer drugim nivoima vlasti, subanalitika LAX019, pozicija „Tekući transfer za JU Institut za zdravlje i sigurnost hrane - za projekat „Unapređenje dijabetološke zaštite na području Zeničko-dobojskog kantona” - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom godišnjem iznosu od 50.000,00 KM (slovima: pedesethiljada konvertibilnih maraka) koji čini sastavni dio ove odluke.

### **Član 2.**

#### **(Način realizacija sredstava)**

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

### **Član 3.**

#### **(Realizacija Odluke)**

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

### **Član 4.**

#### **(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-1908/26

Datum, 30.01.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

## **P R O G R A M**

**utroška sredstava u razdjelu 21 - Ministarstva zdravstva na poziciji „Tekući transfer drugim nivoima vlasti“ - „Tekući transfer za JU Institut za zdravlje i sigurnost hrane - za projekat „Unapređenje dijabetološke zaštite na području Zeničko-dobojskog kantona“ - Izvor 10 Budžeta Zeničko-dobojskog kantona za 2026. godinu**

### **I. PREDMET PROGRAMA**

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX019, pozicija „Tekući transfer za JU Institut za zdravlje i sigurnost hrane - za projekat „Unapređenje dijabetološke zaštite na području Zeničko-dobojskog kantona“- Izvor 10.

### **II. SVRHA PROGRAMA**

Svrha ovog programa je finansijska podrška Vlade Kantona kroz finansiranje programa „Unapređenje dijabetološke zaštite na području Zeničko-dobojskog kantona“ koje provodi JU Institut za zdravlje i sigurnost hrane Zenica, a čiji je cilj poboljšati kvalitetu zdravstvene zaštite osoba oboljelih od dijabetesa kroz uspostavu kontinuiranog rada dijabetoloških savjetovaništa na području Zeničko-dobojskog kantona.

U prvoj fazi realizacije ovog programa potrebno je uspostaviti registar oboljelih od dijabetesa na području Zeničko-dobojskog kantona i Centar za kontinuiranu edukaciju zdravstvenih radnika pri Institutu za zdravlje i sigurnost hrane Zenica, a u naednoj fazi definisati tim za rad u dijabetološkom savjetovaništu, osigurati matrijalno-tehničke resurse za kontinuirani rad dijabetoloških savjetovaništa i stabilne izvore finansiranja.

Uspostavom dijabetoloških savjetovaništa u osam domova zdravlja povećat će se dostupnost dijabetološke zaštite radi ranog otkrivanja, pravilnog upravljanja oboljelim i prevencija komplikacija, obzirom na činjencu da je na području Zeničko-dobojskog kantona zvanično registrovano oko 15.000 oboljelih, a procjene prema IDF modelu ukazuju da je stvarni broj između 35.000 i 40.000, odnosno više od polovine oboljelih nema dijagnozu i ne prima adekvatnu terapiju, što vodi ka teškim komplikacijama.

### **III. VISINA SREDSTAVA**

Sredstava utvrđenih ovim programom iznose na godišnjem nivou 50.000,00 KM (slovima: pedesethiljada konvertibilnih maraka).

### **IV. IZVORI SREDSTAVA**

Izvor sredstva za finansiranje ovog programa su planirana sredstva u koloni Izdaci iz Budžeta (Izvor 10) Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX019, pozicija „Tekući transfer za JU Institut za zdravlje i sigurnost hrane - za projekat „Unapređenje dijabetološke zaštite na području Zeničko-dobojskog kantona“.

## **V. KORISNIK SREDSTAVA**

Krajnji korisnik Programa je JU Institut za zdravlje i sigurnost hrane Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti provodi mjere za unapređenje zdravlja i prevenciju bolesti na području kantona.

## **VI. KRITERIJ ZA RASPODJELU SREDSTAVA**

Kriteriji raspodjele sredstava je Plan utroška sredstava „Unapređenje dijabetološke zaštite na području Zeničko-dobojskog kantona“ broj: 02-81/26 od 09.01.2026. godine koji je JU Institut za zdravlje i sigurnost hrane Zenica dostavila Ministarstvu zdravstva, a koji je osnov za donošenje ovog programa.

Transferisanje sredstava JU Institut za zdravlje i sigurnost hrane Zenica vršit će se u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog programa zadužuju se Ministarstvo zdravstva i Ministarstvo finansija, svako u okviru svoje nadležnosti.

## **VII. IZVJEŠTAVANJE KORISNIKA**

JU Institut za zdravlje i sigurnost hrane Zenica dužna je izvjestiti Ministarstvo zdravstva o namjenskom utrošku sredstava na način kako će biti utvrđeno odlukom o odobravanju sredstava u skladu sa Planom utroška sredstava iz tačke VI. Kriteriji za raspodjelu sredstava uz obavezno navođenje postignutih učinaka dodjeljenih sredstava sa prezentiranim mjerljivim pokazateljima (indikatorima).

## **VIII. IZVJEŠTAVANJE MINISTARSTVA**

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-1908/26

Datum, 30.01.2026. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo zdravstva,  
1x Ministarstvo finansija,  
1x „Službene novine Zeničko-dobojskog kantona“,  
1x a/a.